



Inatsisartunut ilaasortaq Anthon Frederiksen

## **Ilinniarfinnut qarasaasianik, atuakkanik il.il. pisiortorneq pillugu § 36 naapertorlugu apeqqutinut akissutit**

Matumuuna Inatsisartut suleriaasianni § 36, imm. 1 naapertorlugu apeqqutigineqartut 21. november 2008-mi tiguneqartut akissavakka.

### **Apeqqut:**

1. *Ilinniartut ilinniarnermiinnut atatillugu atortorissaarutininik, soorlu qarasaasianik, atuakkanik il.il. pilersorneqarnerat Naalakkersuisunit qanoq malinnaaffigineqarpat ?*

**Akissut:** Ilinniarfiit assigiinngitsut ass. qarasaasianut atuakkanullu il.il. tunngatilugu ilinniartuutiminnut qanoq periarfissiisarnerat assigiinngitsorujussuuvoq. Ilinniarfiutitta ilaanni ilinniartut atuakkanik ilinniutinik, qarasaasianik il.il. imminnut pilersortussaapput. Ilinniartitaanerni allani ilinniartut ilinniarfimminnit atortussaminnik tunineqartarput. Tamatuma saniatigut eqqaaneqarsinnaavoq Namminersornerullutik Oqartussanit ilinniagaqarnerisutit atorlugit qarasaasiarsinissamut atuartsissutinillu allanik pisinissamut ilinniagaqarnermi taarsigassarsinissamut periarfissaqarpat.

2. *Ilinniartoqarfiit assigiinngitsut qarasaasiaqartinneqarnerannut allanillu atorulersuutaasinnaasunik ilinniartoqarfinni nutarterisarnerit qanoq Naalakkersuisunit malinnaaffigineqartigippat ?*
3. *Ilinniartoqarfinni qarasaasinik nutarterinerit qanoq akuttutigisumik taarsersorneqartarpat ? imaluunniit ilinniarfinni atorulersuutit taarsersorneqartarneri pillugit Naalakkersuisut najoqqutassaqaartitsippaat ?*
4. *Naalakkersuisut ilinniartoqarfinni assigiinngitsuni qarasaasianik taarsersuinissamik/nutarterinissamik pilersaaruteqarpat ?*

**Apeqqutit 2-4, ataatsimut akineqarput:** Ilinniarfinnut aningaasaliissutit ukiumoortumik aningaasanut inatsisitigut ingerlatsinermut tunniunneqartarput. Aningaasaliissutit siunertanut assigiinngitsunut atorneqartussaapput, taakkununga ilanngulugit atukkanik, qarasaasianik il.il. pisiortorneqarnermut. Aningaasaliissutit atorlugit ilinniarfinnik aqutsisut aningaasaliissutit sunut atorneqarnissaannut namminneq aalajangiisinnaassusilerujussuupput.

12. december 2008  
Sags nr. 2007-003194  
Dok.nr.121208

Postboks 1029  
3900 Nuuk  
Oq/tel +299 34 50 00  
Fax +299 32 20 73  
Kiiip-mail@gh.gl  
www.nanoq.gl/kiiin

Tamatununga atatillugu Naalackersuisoqarfiup eqqaasinnaavaa aningaasaliisutunik siammasissumik aqutsisitsineq ilinniarfimmi pineqartumi pisarmat Namminersornerullutik Oqartussanit qitiusumik pinnani.

Ilinniarfinni aqutsisut KIIIN-illu akuttunngitsunik ataatsimiittarnerini naalackersuisoqarfik ilinniarfinni pissutsit pillugit ilisimatinneqartarpoq. Aningaasaqarnikkut ingerlatsineq KIIIN-imi ingerlatsinermut aningaasaqarnermullu aqutsinermut immikkoortortamit ingerlaavartumik nakkutigineqarpoq.

Assersuutigalugu ilisimatitsissutigineqarsinnaavoq ilinniarnertuunngorniarfinnut pingasuinnarnut taakkununga aningaasaliissutit 2008-mi 59.011 mio. kr.-init 2009-mi 68.121 mio. kr.-inut qaffammata. Tamanna ilinniarnertuunngorniarfinnut pingasunut taakkununga 2008-mit 2009-mut 15,4 %-imik qaffaataavoq. Tamatuma kinguneraa ilinniarnertuunngorniarfiutitta atuartitsissutininik qarasaasianillu il.il. pi-siortornissamut tunngatillugu periarfissaqarnerulernerat.

Ikinngutinnersumik inuulluaqqusillunga

Tommy Marø